



Broj:
Sarajevo, 27. 01. 2009. godine

MEDIJIMA

FBA: Poništen tender za dokapitalizaciju (kupovinu) ili spajanje (pripajanje) sa drugom bankom Hercegovačke banke d.d. Mostar

U nastojanjima za rješavanje statusa vlasničkih prava skladišta pogonskog goriva Dretelj - Čapljina, Agencija za bankarstvo FBiH (FBA) je donijela zaključak da se poništi nedavno objavljeni javni poziv za dokapitalizaciju (kupovinu) ili spajanje (pripajanje) sa drugom bankom Hercegovačke banke d.d. Mostar koja je u privremenoj upravi.

Da podsjetimo, riječ je o objektu koji je založen kao hipoteka za kredite koji su uzimani kod Hercegovačke banke, a pošto uzeti novac nije vraćen, Banka je aktivirala hipoteku i tako došla u vlasništvo skladišta pogonskog goriva Dretelj - Čapljina, što je uknjiženo u zemljišne knjige kod nadležnog suda. Ovo je urađeno u periodu privremene uprave koju je vodila privremena upraviteljica imenovana odlukom Visokog predstavnika za BiH.

Hercegovačka banka d.d. Mostar je banka u privatnom vlasništvu, a došla je u vlasništvo ovih objekata po osnovu realizacije kolaterala za svoja potraživanja po osnovu datih kredita i plaćenih akreditiva iz sredstava deponenata. Osnovni zadatak FBA je da štiti sredstva deponenata banaka, a u Hercegovačkoj banci najveći deponenti su Vlada Federacije BiH i njene institucije.

Ipak, u svrhu konačnog rješenja pravnog statusa skladišta pogonskog goriva Dretelj – Čapljina, a cijeneći zaključak Vlade FBiH, koji je prvi konkretan korak u rješavanju tog problema, FBA je zauzela stav da se poništi pomenuti tender.

Ured FBA za informisanje